



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nucleus Casuum Conscientiæ Sive Brevis Notitia Eorum
quæ scitu vel necessaria, vel valde vtilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De septem capitalibus vitij.

urn:nbn:de:hbz:466:1-41767

cenſuras. De quibus etiam Auctores citati.

16 Quantum ad diſpenſationem ab Irregularitate, vniuerſaliter loquendo, id pertinet ad Summum Pontificem. At verò in *Trident. ſeſſ. 24. cap. 6. de reſorm.* habentur ſequentia verba: Liceat Episcopis in Irregularitatibus omnibus, & ſuſpenſionibus ex delicto occulto proueniens, excepta ea, quæ oritur ex homicidio voluntario, & exceptis alijs deductis ad forum contentioſum, diſpenſare. Poſſunt etiam in quibusdam alijs leuioribus Irregularitatibus Episcopi diſpenſare: vt videre eſt apud Auctores citatos.

DE SEPTEM CAPITALIBUS VITIJS, & PASSIONIBUS ANIMÆ.

1 **S**eptem Capitalia vitia ſunt: Superbia, Auaritia, Luxuria, Ira, Gula, Inuidia, Accidia: quæ dicuntur capitalia, quia ſolent eſſe capita multorum peccatorum: & interdum ſunt mortalia, inter-

interdum venialia, iuxta qualitatem materiae, & circumstantiarum. Et quidem superbia est inordinatus appetitus excellentiae, & gloriae propriae. Avaritia est inordinatus appetitus diuitiarum. Luxuria est inordinatus appetitus carnalium voluptatum. Ira est inordinatus appetitus vindictae. Gula est inordinatus appetitus cibi, & potus. Inuidia est tristitia de alienis bonis, ut apprehenduntur minuere propria. Accidia est tristitia quaedam, & languor animi circa res spirituales. Plura *Azor. to. 1. lib. 4. c. 11.* & *fusiùs Tolet. tr. de 7. pecc. mort. S. Th. 1. 2. quaest. 84. art. 4.*

2 Similiter passiones animi sunt vnde-
cim. Sex in parte concupiscibili, quae re-
spicit bonum, vel malum absolutè: &
sunt Amor, Odium, Desiderium seu
Concupiscentia, Fuga seu Abominatio,
Gaudium seu Delectatio, Dolor seu
Tristitia. Quinque verò in parte irasci-
bili, quae respicit bonum, vel malum
sub ratione ardui, & difficilis: ut Spes,
Desperatio, Audacia, Timor, Ira. *S. Th. 1. 2. q. 23. ibique Valentia.*

3 Motus harum passionum possunt
esse

esse boni, vel mali moraliter, quatenus
 subiacent imperio rationis, & volunta-
 tis: & si sint secundum rationem mode-
 rati; boni erunt: mali verò, si sint præter
 moderationem rationis. Debet ergo
 quilibet coërcere irrationabiles motus,
 & regulare, quantum potest, secun-
 dum rectam rationem. Vbi prudens
 Confessarius admoneat pœnitentem,
 quòd si interdum experiatur vehemen-
 tes, imò vehementissimos motus passio-
 nis; non desperet, nec statim putet se
 succubuisse: sed voluntate semper dis-
 sentiat, occasiones, & otium fugiat,
 Deum oret, pœnitentias aliquas adhi-
 beat, &c. Nam, nisi voluntatis assensus
 accedat; non erunt peccata, sed materia
 meritorum.

DE CONSCIENTIA.

1 **C**onscientia, vt nunc accipitur,
 est iudicium practicum particu-
 lare, ordinatum ad operandum, quo
 quis iudicat, hanc, vel illam rem esse
 bonam, vel malam.

2 Dicitur conscientia recta, cū quis
 pru-